

# Cun in record da recurs l'onn 2020

Autorità da recurs independenta davart radio/televisiun


■ (cdm/gc) L'onn 2020 èn entrads tar l'Autorità da recurs independenta davart radio e televisiun (AIRR/UBI) 43 recurs. Tar tschintg cas è vegnida constada ina violaziun dal dretg da concessiun e program. Dapi che l'emprima Lescha da radio e televisiun è entrada en vigur 1992 n'hai anc mai dà tants recurs en in onn. Be 1991 – cura ch'i na deva anc betg posts da mediaziun – è il dumber stà cun 50 reclamaziuns pli aut. Ils otg posts da mediaziun da la SSR e dals realisaturs privats, che vegnan en funcziun avant la AIRR, han registrà 2020 en tut 1194 reclamaziuns visavi 626 l'onn avant. Strusch quatter pertschient dals cas davant ils posts da mediaziun èn vegnids inoltrads sco recurs tar la AIRR.

## Blers cas da televisiun

Ils blers dals 43 recurs èn sa drizzads cunter emissions da la televisiun (30). Cun ina suletta excepziun – ina emissiun satirica – èn be emissions da novitads, autras d'infurmaziuns e films documentars davart divers temas vegnids crititgads. En la segunda mesadad da l'onn hai era dà diversas reclamaziuns en connex cun rapports davart corona.

## Tranter auter film documentar dad Adam Quadroni

Tar tschintg dals 36 cas liquidads ha la AIRR constatà ina violaziun dal dretg. I ha sa tractà da recurs, nua ch'il cumond d'esser objectiv è vegnì violà. Tranter quels èsi era in film documentar da la televisiun svizra davart il whistleblower Adam Quadroni. Quest cas n'è legalmain anc betg valaivel, siond che la SSR ha recurri cunter la decisiun da la AIRR tar il Tribunal federal. Trais auters recurs cun-



Dal 2020 hai dà diversas reclamaziuns tar l'istanza AIRR/UBI en connex cun rapports davart corona.

ILLUSTRAZIUN AIRR/UBI

ter decisiuns da la AIRR, ha la Dretgira federala refusà, uschia era tar ina contribuziun da la «Rundschau» davart *Pierre Maudet*.

## Istanza dapi 1984

La AIRR/UBI exista dapi 1984 sco cumissiun extraparlamentara da la Confederaziun. Ella consista da nov commembers en uffizi accessori ed ha in secretariat cun trais persunas. L'Autorità ha dad intercurir – sin recurs inoltrà – schè bain cuntegn d'emissions da radio e televisiun da realisaturs svizzers han violà determinaziuns che valan per publicaziuns re-

dacziunalas. Latiers s'audan spezialmain ils princips d'infurmaziun giuridics sco il cumond d'esser objectiv e da multifariadad, la protecziun da la giuventetgna, il scumond da discriminar, observar la dignitad umana u sch'i è vegnì refusà cunter dretg l'access al program.

Decisiuns da la AIRR pon vegnir tratgas vinavant al Tribunal federal. Cura che la AIRR ha dà sias decisiuns, intrade-scha ella tar ils realisaders pertutgads ina procedura per che talas mancanzas e violaziuns dal dretg na sa repetien betg pli. Ses rapport annual publichescha la AIRR en tuttas quatter linguas naziunalas.